



Inatsisartunut ilaasortaq Knud Fleischer, Kattusseqatigiit Partiiat

Maani

Aalisartunut tapersiisarnerit assigiinngitsut pillugit apeqqut nr. 2011-142-imut akissut

18. jul 2011
Sagsnr. 2011-052670
Dok. Nr. 678547

Inatsisartut suleriaasianni § 37 imm. 1 naapertorlugu aalisartunut tapersiisarnerit assigiinngitsut, aalisartutut inuutissarsiutillinnut akuersissutaasinnaasut pillugit Naalakkersuisunut apeqquteqarput. Apeqqutitit uannit akisassanngortinneqarput.

Postboks 269
3900 Nuuk
Tlf. (+299) 34 50 00
Fax (+299) 32 47 04
E-mail: apnn@nanoq.gl
www.nanoq.gl

Naalakkersuisunut Apeqqut:

1) Aalisartumut inuussutissarsiutiminik aallusserusuttumut siuarsarusuttumulluunniit aningaasaliivigineqarnissamut imaluunniit aningaasatigut taperneqarnissamut periarfissat suuppat?

Akissut:

Aalisartumut aalisarnermik aallusserusuttumut, pisortanillu tapersiissutinik pissarserusuttumut periarfissat makkuupput:

Aalisarnermut aningaasaliissutinut immikkoortitat pillugit Inatsisartut inatsisaat nr. 15, 20. november 2006 kingusinnerusukkullu allannguutai malillugit angallatip nutaap pisarinerani akiata 40%-ia tikillugu tapiisoqarsinnaavoq. Tapiissummik piniaraanni qinnuteqartup pisassiissutinik, aalisarsinnaanermut akuersissutinik, aningaasartuutissat 60%-isut sinnerisa aningaasalersorneqarsinnaanerannik uppernarsaammik, ingerlatsivimmik piginnittuunermik tassungalalu atasunik isumaqatigiissusianik pigisaqarneq uppernarsassavai. Qinnuteqartutaaq ilisimatitsissutigissavaa pisortanit inuussutissarsiutitut taarsigassarsiaqarnerluni.

Aamma aalisartuq, inatsit qulaani pineqartoq naapertorlugu, suliniutinut nutarterisunut tapiissutinik qinnuteqarsinnaavoq, tassani Naalakkersuisut suliniummut aningaasartuutit 50%-ii tikillugit tapiisnaapput. Angallatinut tapiissutaasartunut piumasaqaataasut uani aamma piumasaqaataapput. Suliniutinut nutarterisunut tapinik qinnuteqartoqarsinnaavoq, imartap aalisarnikkut periarfissaanik misissuiniaraanni, aalisarnermi atortunik pitsanngorsaaniaraanni naammassisaqarnerulersitsiniaraannilu, ataavartitsiniarluni misileraaniaraanni (aalisarnermut atortunik immikkoortiterisinnaasunik qajassuussisinaasunillu inerisaaniaraanni misileraaniaraannilu), naggataatigullu aalisakkanik tukertitsivinnik pilersarusiornissamut misissuiniaraanni.

Qinnuteqartoq aalisakkanik aalisagartassaliiffigineqanngitsunik / aalisarnermut akuersissutitalersugaanngitsunik aalisarniarluni tapiissutinik qinnuteqarniarloq Naalakkersuisoqarfimmu siunnersoqqulluni saaffiginninnissaminut tikilluaqqusaavoq.

Aalisartumut aalisarnerminik aallussilluni ineriartortitsiniartumut Aalisarnermik piniarnermillu inuussutissarsiutillit inuussutissarsiонерannik siuarsaneq pillugu Inatsisartut

peqqussutaat nr. 10, 20. november 2006-imeersoq malillugu inuussutissarsiutit siuarsarniarlugit taarsigassarsisisoqarsinnaavoq. Inuussutissarsiutit siuarsarniarlugit taarsigassarsianik qinnuteqaatip nalilersornerani qinnuteqartup ilaatigut makku upper-narsassavai:

- pisariaqartunik piginnaassuseqarluni, taamaalilluni qinnuteqartoq ingerlatsinikkut aqut-sinikkullu piginnaassuseqarnerneq nalilersorneqassaammat, pineqartup taarsigassarsiani utertillugit akilersorsinnaagai qulakkeerneqarniassammat,
- ingerlatsinermut aningaasartuutissatut akiliisinnaassutsimullu naatsorsuusiatiqut takussutissiissalluni, taakku takutissagaat taarsigassarsiat utertinniarlugit akilersorneqarsinnaasut takutissammatigit,
- qinnuteqartoq nalilinnik pigisaqarnermigut ima ittoq akilersuinissamik pisussaassut-siminik naammassinnissinnaalluni aningaasanik atukkaminik taarsiinnaassuseqartumik, aamma
- pisassiissutik, aalisarnermut akuersissutinik aalisakkanut aalisarsinnaanermut akuersissuteqaqquusaasunut pissassiissuserneqartunullu aalisarsinnaalluni.

Peqqussut malillugu piunasaqaatit qinnuteqartup naammassisinnaagunigit, qinnuteqartoq aalisariutip allanngortiterneranut iluarsaanneqarneranullu, motorinik pisarsarnermut iluarsaassinermullu, sillimanissamat atortunik teknikkikkullu atortunik allanik pisinermut taarsigassarsitinneqarsinnaavoq.

2) Apeqqut nr. 2 pillugu paasivara apeqqummi 2-mi kalaallisoortaa qallunaatoortaa assigiingitsut. Taamaattoq aalajangerpunga apeqqutit taakku marluk akiniarlugit, apeqqut 2 a)-tut aamma 2 b)-tut.

2 a) Aalisartup ingerlataanut umiatsiaanulluunniit akiligassanik taperneqarsinnaaneranut periarfissat ullumikkut suuppat?

2 b) Aalisartup ingerlatani imaluunniit aalisariutini atorunnaarsikkiartussagunigit ullumikkut taperneqarnissaminik qanoq periarfissaqarpa?

Akissut:

2 a)-mut:

Aalisarnermik piniarnermillu inuussutissarsiutillit inuussutissarsiorterannik siursaaneq pillugu Inatsisartut peqqussutaat nr. 10, 20. november 2006-imeersoq malillugu aalisartuq periarfissaqarpoq taarsigassarsiat ikilisinniarlugit tapiisnaapput, akiligassap piffissami aalajangersimasumi akilerneqartussap akililerneqarnissaannut piffissaliussap iluani akiliisimappat. Ullumikkut tapiissut akilersukkap 35%-rivaa.

Tamakku saniatiqut aalisarsoq Namminersorlutik Oqartussanut inuussutissarsiutinut tapersiisarfimmut akiitsulik, pisussaaffimmik sumiginnaasimaneq pissutigalugu akiitsut akiliisitsiniartarfimmut tunniunnerinit ukiut tallimat qaangiunneranni, periarfissaqarpoq akiitsumi 150.000 kr.-inut appartinneqarnissaannut. Aammalu inuussutissarsiutinut tapersiisarfimmut akiitsoq tamakkerlugu isumakkeerinnissutaasinnaavoq akiliisitsiniartarfimmut tunniunneqarsimanerani ukiut qulit qaaniunnerini.

2 b)-mut:

Aalisarnermut aningaasaliissutinut immikkoortitat pillugit Inatsisartut inatsisaata allanngortinneqarnera pillugu Inatsisartut inatsisaat nr. 13, 2. december 2009-imeersoq

naapertorlugu aalisartoq isaterinissamut tapinik pisinnaavoq. Tapi piniaraanni makku ilaatigut naammassisimasariaqarput:

- Angallat umiarsuarnik nalunaarsuiffiup aalisariutit pillugit nalunaarsuutaani imaluunniit Angallatit nalunaarsorneranni ilaassaaq, aammalu KANUAANA-mi nalunaarsorneqarsimassalluni.
- Angallatip uuttuutaa malillugu 5 BRT imaluunniit 8 BT qaangerlugu usitussuseqassaaq aamma 75 BRT imaluunniit 120 BT inorlugit usitussuseqassalluni.
- Angallat ukiunik 25-nik taakkuluunniit sinnerlugit pisoqaassuseqassaaq.
- Ukiuni kingullerni marlunni aalisarsinnaanermut akuersissutigineqartut pissarsiat anikinnerpaamik 50 %-ii aalisarsimassavai.
- Angallat ingerlanissaminut piareersimassaaq.

Isaterinermut tapinik tunniussinermi angallammut attuumassuteqartut aalisarsinnaanermut akuersissutit aamma inuussutissarsiutigalugu aalisarnermut pisinnaatitsissutit tamarmik atorunnaarsinneqassapput.

3) Qanoq annertutigisumik aalisartoq annerpaamik taperneqarsinnaava?

Akissut:

Tapiissutit annertussusissaat aningaasatut tunngaviusussatut aamma angallatip BRT-imut imaluunniit BT-mut ataatsimut usitussusianut aningaasat aalajangersimasut naatsorsorneqassapput. Ukiut tamaasa tapiissutit annertussusaat 5%-imik ikilisinneqassapput angallatip pisoqaassusaa minnerpaamik ukiunik 25-nit pisoqaaneruppat. Isaterinissamut tapiissutit annerpaamik sillimmasiinerup nalingata 75 %-iata nalinganut annertussuseqarsinnaapput

4) Qinnuteqartoq taperneqarnissamut periarfissaqartinneqarsaguni sunik qanorlu piumasaqarfigineqassava?

Akissut:

Qinnuteqartup Aalisarnermut aningaasaliissutinut immikkoortitat pillugit Inatsisartut inatsisaat nr. 15, 20. november 2006 kingusinnerusukkullu allannguutai aamma Aalisarnermik piniarnermillu inuussutissarsiutillit inuussutissarsiornerannik siursaaneq pillugu Inatsisartut peqqussutaat nr. 10, 20. november 2006-imeersumi piumasarineqartut naammassisinaassavai. Piumasarineqartut ilaatigut qulaani akissutini takuneqarsinnaapput.

5) Nunamut qanittumi raajarniutit qassit massakkut aalisarpat.?

Akissut:

Massakkut ingerlatisiviit ingerlasut 27-it Kalaallit Nunaanni sinerissami qanittumi raajarniarput.

6) Nunamut qanittumi kilisaatit angisuut qassit aalisarnissaminnut akuersissummik peqapat.? (Assersuut Lumor.)

Akissut:

Nunamut qanittumi kilisaatit angisuut raajarniartut pillugit apeqqummut ilisimatitsisutigissavara, aalisarnej pillugu allaffissornermi oqariartaaseq "kilisaatit angisuut" nalin-

ginnaasumik atorineqanngimmat. Kisianni ilisimatitsissutigissavara massakkut sinerisami qanittumi angallatit 31-it raajarniarmata. Taakku immikkoortunut marlunnut avineqarsinnaapput, tassalu angallatinut 500 BT qulaallugu angissusilinnut, aamma 500 BT inorlugu angissusilinnut. Angallat LOMUR, illit apeqqutinni innersuussutigisat 800 BT missaani angissuseqarpoq, taamaalilluni angallatinut 500 BT sinnerlugit angissusilinnut ilaalluni. Immikkoortumi tassani angallatit katillugit arfiniliupput. Angallatit takku "Enoksen-ip ataatsimiititaliaata innersuussinera malillugu immikkut akuerineqarnikuupput.

7) Naalackersuisut Nunamut qanittumi kilisaatit marlorsortut aalisarnerisa akuersissutaat atorunnaartinneqarnissaanut pilersaaruteqarpat?

Akissut:

Apeqqummut sammineqartumut atatillugu paasissutissiissutigissavara Naalackersuisut tassunga atasumik pilersaaruteqanngimmata. Tassami ilaatigut biolog-it innersuussutaat malillugit taamaaliornissamut tunngavissaqanngimmat. Tassunga atatillugu ilisimatitsissutigineqassaaq sinerissap avataani qanittuanilu raajarniarnermik avissaaqqatitsineq, taassumalu ataani atorunnaarsinneqarsinnaanera aalisarnermut inatsisissap suliarineqarnerata immikkoortortaata aappaani isummerfigineqassooq. Suliap taassuma inernera naatsorsuutigineqarpoq Inatsisartunut 2012-imi upernaakkut saqqummiunneqassasoq.

8) Aalisarnermut inatsisip aappaassaaneerineqannginnerani innuttaasunut Naalackersuisup paasititsiniaalluni angalanissaa qanoq pilersaaruteqarpa?

Akissut:

Aalisarnermut inatsisip allanngortinneqarnissaata suliarineqarnerani massakkut pisumi, aalisarnermik inuussutissarsiuteqartut susassaartut akulikitsumik ataatsimeeqatigineqartarsimapput. Ataatsimeeqateqartarnerit tamakku Sisimiuni, Uummannami, Ilulisani, Qaqortumi Nuummilu pisimapput. Ataatsimiittarnerni tamakkunani siunertaavoq aalisarnermut inatsisissap ilusissaanut isummanik katersineq.

Oqaloqatiginnittarnerit tamakku saniatigut KNAPK-p piffinni immikkoortortai peqatigalugit innuttaasunut ataatsimiititsisoqartarsimavoq. Innuttaasunut ataatsimiititsinerit Narsami, Qaqortumi Alluitsup Paanilu pisimapput, ataatsimiittarnernut atatillugu aalisarnermut inatsisip allanngortinniarneqarnerani suliap killiffia ingerlaqqinnissamullu pilersaarutit oqallisigineqartarsimapput.

2011-mi ukiakkut ataatsimiinnissaq sioqqullugu pilersaarutaavoq tunumi paasisitsiniarluni angalanissaq, tamatuma saniatigut Inatsisartut Aalisarnermut, Piniarnermut Nunalerinermullu Ataatsimiititaliaat nalunaarfigaara, ataatsimiititaliaq ilisimasassarsiorluni angalassalluni aalajangissappat ilaasinnaallunga, ataatsimiititaliap kissaatigissappagu.

Inussiarnersumik inuulluaqqusillunga

Ane Hansen